

CUNALDVS PRAESVL VIENNENSIS:



CUnaldus eruditione & pietate cōspicius S. Rudperti discipulus extitit in urbe Laureacensi. Itaque postea ad Auares missus, ut religionem intermissam restauraret, & Euangelium Christi gentibus annuntiaret. Id quod ipse magna diligentia præstitit, atq; Fabianensem sedem restituit. Postea Cunaldus ædem in Fabianis excitauit, atque Auares crudelem gentem eo tempore uerbo Dei mansuetiorem multò reddidit. Cum hoc modo magna dexteritate diu præfuisset, tandem mortuus & ibidem sepultus est. Verùm postea Auares ad pristinam impietatem relapsi, aliquandiu præsulibus caruerunt, donec tandem Sodomus sub Pipi-

norege Francorum ijs in locis successerit. Vu. Lazius in rerum Viennens. li. 2.